



### **2013-imut Nunatta Karsiata naatsorsuutaasa akuersissutigineqarnissaannik siunnersuut**

(Aningaasaqarnermut Nunamullu Namminermet Naalakkersuisoq)

Nunatta karsiani ingerlatsinermet sanaartornermullu naatsorsuutit 77,6 mio. kr sinneqartooritilik saqqummiunneqarpoq.

Nalunaarummi oqaatigineqarpoq annerusumik aktie-nik piginneqatigiiffinni aktie-t pigisat agguagarsianit naatsorsuutigisaniit 48,5 mio.-kr amerlanerusunik isertita-qarnermit aammalu akileraarutit akitsuutillu 28 mio. kr missingersuutigineqartumiit annerusumik isertitsissutigineqarneranit pissuteqartoq.

Aktienik piginneqatigiiffiit inuiaqatigiinnut annerusumik tunniussaqaartalernerat qutsatigissavarput. Tassami ukiut 2009-p siuliini amerlanerit amigartoorlutik nunattalu karsianut immikkut tunniussaqaaratik ingerlasarnikummata. Aktienik piginneqatigiiffiit agguagarsianik tunniussisinnaasusiat tunngaveqarmat, siulersuisoqarnikkut aqut-sineq pitsaasuuppat.

Inuit Ataqatigiit siulersuisoqarnermi aqutsineq pitsaasuunissaannik anguniaga-qarsimanerput pitsaasuusoq, nunattalu karsianut iluaqutaasinnaasoq iluarisi-maarparput.

2013-mi nunatta karsia IST-mi naatsorsuutini 70,8 mio. kr sinneqartooruteqarpoq, missingersuutini 103 mio. kr amigartooruteqartussaagaluarluni, 173,8 mio. kr pitsanngoriartoqarluni.

Nalunaarummi erserpoq, 2013-mi aningaasarsiorneq ataatsimut isigalugu appa-riaateqartoq, uuliasiorsinnaanermik misissuinerit annikilleriarnerannik aammalu sanaartornerit annikilliarnerannik pissuteqartumik. Isertitalli ataatsimoortinne-qarneranni kinguppaat qalerallillu akigissaarsimanerat qaffatitsisimasut.

Allaffisorneq ataatsimut isigalugu 2013-mi aningaasartuutissat 16 mio- kr-nik atuiffiunngitsoorsimapput.

Atuinngitsoorfiusuni maluginiarparput nalinnginnaasoq atorfiit piusut inuttassaaleqiffiusarneri. Namminersorlutik Oqartussat suliffeqarfiusariaqaralarpoq suliffigis-sallugu nuannersoq, kajumernartoq, tanngassimaarnartorlu suliffigissallugu. Neriuppugullu inuttassaaleqinermik ingerlaaseq qaangerneqariartorumaartoq.

Nalunaarummi nalunaarutigineqartut assersuutitut taarusussinnaasagut ukuupput:

Suliassaqarfiilli misissoraanni assersuutigalugu meeqqanut inuusuttuaqqanullu immikkut suliniutit, kinguaassiutitigut atonerlunneqarsimasunut suliniutinut, meeqqanut inussuttuaqqanullu pilersaarutinut katillugit, 1 million 611.000 koruunit atunngitsoorsimapput. Aammalu aappassaaneerinnginnermi ataatsimiititaliamut misissoqqarput pinaveersaatitsinnermi 768 t/kr atunngitsuukkat, qinnuteqarsiman-nginnermik peqquteqarsimasut. Suliniutinut aningaasaliisimagaanni pimoorullugu atorfissaanut atorneqarnissaat meeqqanut inuusuttuaqqanullu pitsaasunik kinguneqartussaammata atunngitsuineq uggornartutut isigigatsigu.

Aningaasartuutit inatsisit tunngavigalugit pisussaaffigineqartut ataani erseqqissarneqarpoq 6 mio. kr atuinikiffiusimasut piginnaanngorsaaqqiiner-minngaannersuusut kommunit aningaasaliisimanninneri pissuteqartumik.

Suliffissaaleqinerup piginnaanngorsaaqqiinerullu pisariaqartinneqarnerata nalaani pissutsit taakku akueriuminaapput.

Imigassanut tobamullu akitsuutinit isertitat ikileriarsimani ugguarinngilagut. Qinigaaffiup siuliani immikkut ittumik suliniutaasimasut kinguneraat, kissaa-tiginarporlu ingerlaaseq taanna atuinneqassasoq, naggataatigummi peqqin-nissaqarfimmut, inuiaqatigiinnullu tamanut pitsaasunik kinguneqarnissaat naat-sorsuutigisariaqarmat.

Naatsorsuutit suliarinerinisa nalaani ulloq 8. sept-2014 Kukkunersiuusut, ataatsimiititaliamut allakkatigut ilisimatitsipput , Naalakkersuisut siulittaasorisimasaat nunatta karsianut akiitsoqalersimasoq.

Suliallu paasiniarnerani paasinarsivoq aamma Naalakkersuisut siulittaasorisimasaat ukiuni juni 2009-2013 aamma akiligassaqartoq.

Kukkunersiuinermik ataatsimiititaliaasimasoq Inatsisartunut allakkatigut nalunaaruteqarpoq 26. sept-2014 .

Tamatuma kingorna Kukkunersiuinermut ataatsimiititaliaq 2009-2014 –mut Naalakkersuisunut ilaasortaasimasunut nunatta karsianut akiitsoqarsinerannut misissuuitsivoq.

Qinersinissaq suaarutigineqarpoq misissuineq suli naammassinngitsoq.

Maannakkut kukkunersiuinermik ataatsimiititaliap suliaq kingorppaat. Tamaat eqikkaraanni Naalakkersuisut siulittasorisimasaat Peqqissutsimullu Naalakkersuisuusimasoq ilaqtat akiliunneqarsimanerinit akiligasinneqarnissaannik kinguneqarpoq.

Inuit Ataqtigiit isumaliuutissiisummi suliap ingerlanneqarsimani allaaserineqarnissaanik kissaateqarpugut.

Misissuuitsineq kukkunersiuusuniit innersuusutit malitseqarmat, innersuussutigineqartullu ataatsimiititaliap Naalakkersuisunit malinneqarneqassasut Inuit Ataqtigiiniit kissaatagarput. Siunissami assingusunik nalaataqannginnissaq siunertaralugu.

